

河

防

一

覽

(三)

河防一覽卷之十二

奏疏

潘季馴題

主事王元命校訂
副使曹時聘

選陳昌言

甄別司道疏

臣潘季馴謹

題為欽遵

明旨甄別司道官員以重河漕事案照萬曆十六年

十一月內准工部咨該臣題為恭誦

綸音不勝感奮敬陳治河鄙見伏候

宸斷事覆奉

聖旨是近年河道官員不行遵守修防事宜因循廢弛致有疎虞却又紛紛建議意見雜出何裨實事今後務遵明旨加謹防禦每年終總河官將所屬河道部司等官甄別具奏欽此除欽遵外臣竊惟南北運道不啻三千餘里總河之臣以一身彈壓于其間豈能家喻而戶曉日省而月視哉所賴于承宣者司道諸臣也司道不得其人則河情難于上達法禁苦于下墮鮮不誤矣我

皇上留心國計

軫念民生

特降明綸諭以得人爲要仍

頒嚴旨假以甄別之權此實地方之福河臣之幸也

敢不仰承

德意悉心諮訪以圖報稱哉臣查得自北直隸以至
浙江專管河道者部臣伍道臣貳兼管河道者
部臣叁道臣拾壹今當萬曆十七年已終相應
奉

旨甄別內除蒞任方新伏秋修防未經委任及浙江

水利道係臣原籍恐違近例不敢舉外以部
臣言之如中河分司郎中沈修虛中雅能受善
廣益出自和衷不假聲色而推赤心以鼓羣工
罔炫新奇而順水道以收羣策北河分司郎中
吳之龍直諒固是本真敷施尤多諳練勿喜更
張而因革自有條理無爲苛刻而章程具見整
嚴南河分司郎中黃曰謹勤恪足應糾紛老成
不事粉飾始任即值橫流而疏濬獨苦施工必
勤荒虔而防禦有方臨清板閘分司員外何應

奇性不徇人政能剔蠹司軌司閭而遇事皆有
規條任然任勞而一心惟知法紀南旺分司主
事王元命卓有古雅之風絕無脂韋之態言若
不出而泉聞庶務聿興體若不勝而官夫奉行
惟謹夏鎮分司主事余繼善通敏可當一面才
詔克濟時艱濁流四溢而兩月悉就安全諸作
並興而一身不遺餘力以道臣言之如徐州道
山東按察使陳瑛胼胝已及十年忠勞真如一
日胷抱全河而區裁有同指掌志專報

主而注厝不異承蜩分守東兗道管泉叅政郝維喬
涵養定而吐茹不形噐識高而張弛自裕導泉
防河之曲當澤民利

國以咸宜分守濟南道管泉叅政楊芳秉長駕遠
馭之才有憂勤惕厲之意釐析河泉之源委而
擘畫甚當稽查額課之逋負而工費允資河南
管河道副使陳九仞精勤率屬而事在先勞績
密分猷而言可底績禦狂瀾一身如棄躬畚鍤
萬苦不辭濟寧管河道副使曹時聘心事如畫

天白日才華若流水行雲昔守鳳郡而防淮之
譽已彰茲擢東藩而治河之功尤茂蘇松兵備
道副使李涑才可斷犀智能先物當庶務効午
之日而疏鑿必親值天時旱魃之秋而閭閻允
附大名兵備道副使于文熙卓犖不事詭隨誠
確雅能肩仔疏濬衛水而

王舟無阻滯之患議建隄防而魏民有保障之功
霸州兵備道副使蔣科才猷不尚揮霍趣向自
是高明流沙之通澀不常運渠之疏築知謹以

上諸臣職任雖有不同要之公廉勤恪皆爲一時之選所當薦揚者也內如郎中黃曰謹蒞事雖僅九月修防已畢一年按察使陳瑛副使陳九仞近報陞任尚未交代叅政楊芳副使曹時聘見任雖未及期前官俱兼河務皆臣所轄之地似應并薦者也如蒙

敕下該部再加查議如果臣言不謬將諸臣次第轉擢而中間相應久任者查照原

題施行庶幾防禦得人而地方永賴矣謹題請

聖旨諺部知道

工部覆前疏

題爲欽遵

明旨甄別司道官員以重河漕事該總理河漕右都御史
御史潘季馴題前事奉

聖旨該部知道欽此該部看得總理河漕右都御史
潘季馴題稱自北直隸以至浙江專管及兼管
河道部司諸臣除浙江係河臣原籍恐遠近例

不敢槩舉乞將中河郎中等官沈修等徐州道
按察使等官陳瑛等次第轉擢中間相應久任
者查照原題施行一節爲照漕河事規分理防
守固在郡縣承宣督率尤賴部司乃往歲薦獎
獨及郡縣而部司不與甚非所以重綜覈昭勸
懲也近該河臣題奉

明旨通行甄別茲當十七年歲終照例具題前來相
應如議題

請恭候

天下咨行吏部將部王沈修吳之龍黃曰謹何應
王元命余繼善道臣陳瑛郝維喬楊芳陳九仞
曹時聘李淶于文熙蔣科通行紀錄次第轉擢
內郎中沈修查照原題久任候九年考滿另議
優擢及照蘇松兵備係暫管河務彼江南水利
既設有專官今後年終仍查水利官舉劾其浙
江水利據河臣稱係原籍遵例不敢槩叙但查
近例原籍迴避特爲南道御史點差而設若都
御史統轄地方廣遠原不在此例如各邊及漕

運總督有所舉刺雖原籍亦所不遺總理河道
與總督體統相同則事權不宜獨異况全河形
勢南自兩浙歷江河淮濟以達京師凡數千里
若一身之脉絡然倘偏而不舉則脉絡不得貫
通事權不得歸一合無今後每年終查覈各司
道府州縣如南北兩直隸浙江河南山東凡與
河道相干涉者無論原籍與否一體舉劾併乞
移咨總理河道及南北直隸浙江河南山東各
巡撫都御史及咨都察院轉行各巡按御史遵

照施行奉

聖旨是各該司道等官但與河道相干的着總理官
一體甄別

申飭鮮船疏

臣潘季馴謹

題爲乞

恩查復舊規以利漕渠事據管理南河郎中黃曰謹
呈前事查舊例淮安通濟閘外每年伏水未
發之前築攔河土壩以遏黃流內灌所有

進貢鮓魚鮮船限在五月初發行伏前過淮其
梅等船聽將馬快空船預撥壩外停泊般剥節
經遵行已久及照上年前船俱不預先出口以
致築壩過期黃水暴漲倒灌裏河淤墊挑濬甚
爲不便近來黃河漲發多在未入伏二十日之
前勢猛難禦則口壩之築須爲早圖合無移文
南京兵部并守備衙門速將

鮮貢船隻催僱發行并撥馬快船隻依期於五月
中旬俱令出口本司預備物料定於六月

日築壩合口要壩工早竣河道無虞等因到臣
案照萬曆八年先該臣總理河漕會同漕撫前
任都御史江一麟題該工部覆議查得正德嘉
靖年間五月已有鮓魚到京且既稱鮮品尤宜
早

造既係薦

廟尤該及時但近年以來

進鮮每於採鮮既完之後方行措辦裝具附載貨
物勾當稽留動踰旬日沿途淹頓又致愆期比